

靈聖寶無量度人上品妙經卷之五十九

卅九

靈寶無量度人上品妙經卷之五十九 寃

化屍受形品

道言昔於洞光天中空化飛歌太玄育土受
元始度人化屍受形無量上品元始天尊當
說是經周迴十過以召十方始當詣座天真

大神上聖高尊化屍受形妙行真人無鞅數
衆乘空而來浩氣排還策空扇景紫輿黃蓋
絳霄瓊輪曲晨垂蔭丹精靈光衆彩騰耀
靄鬱勃洞煥太空三日三夜諸天星根日華
珠網月耀一時停輪和風却煙彩雲布瑞天

無浮翳四氣朗清一國地土山川林木緬平
一等無復高下土作柔碧交輝紋玉無有異
色衆真侍座元始天尊玄坐空浮九氣梵光
瓊臺之上說經一遍諸天大聖同時稱善是
時一國男女屍穢殄殛受形變仙說經二遍

宵九

雲華邏虛金容爍日說經三遍花凝仙露萬
藥呈珠說經四遍生神鍊骨屍化形完說經
五遍大結開通神氣併會說經六遍名錄上
清靈津灌體說經七遍靈儀擲火洞照泥丸
說經八遍天馬馳風易屍革故說經九遍三

官命誥脫謝陰尸說經十遍神華定保生氣
海澄是時一國是男是女莫不傾心皆受護
度咸得長生

道言是時元始天尊說經一遍東方無極無
量品道家大神無鞅之衆浮空而至說經二

遍南方無極無量品神力大神無鞅之衆浮
空而至說經三遍西方無極無量品攝精大
神無鞅之衆浮空而至說經四遍北方無極
無量品玄運大神無鞅之衆浮空而至說經
五遍東北無極無量品尸魔大神無鞅之衆

浮空而至說經六遍東南無極無量品靈儀
大神無鞅之衆浮空而至說經七遍西南無
極無量品胎靈大神無鞅之衆浮空而至說
經八遍西北無極無量品機用大神無鞅之
衆浮空而至說經九遍上方無極無量品化

宙九

二

屍大神無鞅之衆浮空而至說經十遍下方
無極無量品受形大神無鞅之衆浮空而至
十遍周竟十方無極天真大神一時同至一
國男女傾心歸仰明曉大道深契神源咸言
得生皆有壽紀筭歷千萬不免有期玄極威

神施布大法使令一心開達根本知未生時
復是何狀太空之中以何因緣忽生知覺及
以見聞五行寒暑無不備識生道將去氣散
神離尸穢徒在元始神智蓋養群生一感至
靈化此尸朽受形更生上為真人必有妙蘊
是當敷宣如是天人其衆無量扶攜幼耄若
賢若愚若凡若聖皆願傾聞雖彼天中尚繫
愛欲所染輕微然於道妙未得虛明皆承勝
化蓬鬢雲集來者有如細雨密霧無軼之衆
迨國一半土皆偏陷非可禁止於是元始普

知衆念頂出祥光其光九色照徹十方無極
國土三十二天三十二帝無不明煥於此光
中普現億劫衆生迷妄癡習遞相為種展轉
生滅不見道真無量業果無量報對無量冤
債一一瞭然如對心目元始俯觀大衆發言

宙九

三

告曰玉清之道妙出萬天神氣回光尸滅形
鍊形鍊為氣抱神含虛隱顯自由出沒無礙
回觀世界細於一滴乃攝祥光所現境界搏
為寶珠大如黍米在空玄之中去地七丈元
始登引天真大神上聖高尊化尸受形妙行

真人玄默靈仙無鞅數衆俱入寶珠之中天人仰看惟見勃勃從珠口中入既入珠口不知所在國人廓散地還平正無復欹陷元始即於寶珠之內說經都竟衆真監度以授於我當此之時喜慶難言法事粗悉諸天復位倏歟之間寂無遺響是時天人遇值經法普得濟度全其本年無有中傷傾土歸仰化屍受形不晦不明不伐不侵不淨不穢不用不驚不戒不分化除尸質受度生形齊同慈愛異骨成親國安民豐欣樂太平經始出教一

國以道預有至心宗奉禮敬皆得度世

道言元始天尊說經中所言並是諸天上帝
化尸內名隱韻之音亦是真王受形內諱百
靈之隱名也非世之常辭上聖已成真人通
玄究微化滌尸朽受易靈形能悉其章誦之

十過諸天遙感陳故改新萬帝歎嘉付形稟
真九海靜波五山吐雲日月雙景華芒運精
回雌轉雄凡變為仙群魔束形鬼魅滅爽化
屍受形白骨成人至學之士誦之十過則五
臟返生三尸逃奔魔精喪眼鬼祆滅爽濟度

垂死絕而得生所以爾者學士穢氣未消體
未洞真以生制尸威未領天政德可伏御地
祇束縛魔靈但却死而已不能降真輕誦此
章身則被殃供養尊禮門戶興隆世世昌熾
與善因緣萬災不干神明護門斯經尊妙獨
步玉京度人無量為萬道之宗巍巍大範德
難可勝

宙九

四

道言凡誦是經十過諸天齊到億曾萬祖幽
冤苦爽皆即化屍受形上昇朱宮格皆九年
受化更生得為貴人而好學至經功滿德就

皆得神仙飛昇金闕遊宴玉京也上學之士
修誦是經皆即受度形鍊尸滅飛昇南宮世
人受誦則延壽長年後皆得作尸解之道鬼
神暫滅不經地獄即得返形遊行太空此經
微妙普度無窮一切天人莫不受慶無量之
福生死蒙惠上天所寶不傳下世至士齋金
寶效心盟天而傳輕泄漏慢殃及九祖長役
鬼官侍經五帝玉童玉女各二十四人營衛
神文保護受經者身

道言正月長齋誦詠是經太清傳靈紫皇帝

君為兆上世亡寃斷地逮役化屍受形度上
南宮七月長齋誦詠是經上清三真太微帝
君為兆化屍受形身得神仙書名紫籙金簡
削死上生十月長齋誦詠是經玉清神素飛
玄帝君為兆化屍受形得為飛仙國王帝主

宙九

五

君臣父子安鎮國祚保天長存世世不絕常
為人君安鎮其方民稱太平八節之日誦詠
是經九天化屍受形帝君為兆解度仙真降
庭得為九宮真人本命之日誦詠是經九天
真王飛駕空洞為兆化屍澡潔寃神受形太

玄百神飲丹至命澄正萬氣長存不經苦惱
身有光明三界侍衛五帝司迎萬神朝禮名
書上天功滿德就飛昇上清

道言行道之日皆當香湯沐浴齋戒入室
東向叩齒三十二通上聞三十二天心拜

三十二過閉目靜思身坐碧紫白三色雲
氣之中內外蒼冥有青龍白虎朱雀玄武
獅子白鶴羅列左右日月照明洞煥室內
頂生圓象光映十方如此分明密呪曰

無上玄元太上道君召出臣身中三五功曹

元始無量度人上品妙經

元始洞玄靈寶本章化屍受形妙感度人百
魔隱韻離合自然元氣赤上火鍊成真元始
祖劫化屍受形神去曰屍不覺不聞神附曰
形動起屈伸是皆道機太上所尊無不化屍

宙九

六

無不受形形動屍靜神運至均化屍成形精
氣自生同本天地開明三景是為天根神無
相狀以道為身五行之精神炁氤氳隨情感
色因色賦形五色真氣結為五文五文開廓
普植神靈無文不光無文不明無文不立無

文不成無文不度無文不生招靈真符白骨
成形人皇內書尸形更生鍊故反新真得其
真化屍受形形固能存小大無常飛登太清
是爲大梵天中之天鬱羅蕭臺玉山上京上
極無上大羅玉清眇眇劫仞若亡若存三華

離便大有妙庭金闕玉房森羅淨露大行梵
氣周迴十方中有化屍受形之神中有南極
虛和變生長生大君中有易質降精受形司
馬大神中有玄文化尸好生韓君文人中有
南上司命司錄延壽益算度厄尊神化尸受

形無量度人今日校錄諸天臨軒

東方無極蘊光神王長生大聖無量度人
南方無極開明神王長生大聖無量度人
西方無極大氣神王長生大聖無量度人
北方無極子育神王長生大聖無量度人

宙九

七

東北無極感德神王長生大聖無量度人
東南無極慶生神王長生大聖無量度人
西南無極母道神王長生大聖無量度人
西北無極元父神王長生大聖無量度人
上方無極生尸神王長生大聖無量度人

下方無極回形神王長生大聖無量度人
十方至真飛天化尸受形神王長生度世無
量大神並乘三素飛雲珠光洞霄靈輿翠輦
羽葆駉駕白獸碧鳳麒麟建太微回黃之旗
無英命靈朱幡前肅洞章齊唱後奏內音同
和玄鶴青鸞嘯歌雍雍七真導前八靈翊後
千乘萬騎浮空而來天光朗耀洞徹重昏方
諸仙相南水左宮主生真宰太陽火官執籙
把籍齊到帝前隨業者校咸使升遷符告此
帝太陰諸神九水佐理玄滋靈君雷電陰景

豁落七元九映威劍六天大魔司錄司命司
察司功冥關幽府泉曲河源真王有命普度
沈骸太玄起尸黃水浴寃流火蕩穢紫融鍊
形施靈合氣仙化成人不歷胎垢澄淨光明
因緣輪轉與天齊年永離風刀塗炭魔試之
難飛行遊宴逍遙上清上清之天天帝洞陽
無色之境梵行

東方八天

利慶昭華天

帝玉剛栖群

浮輿秉衡天

帝紹元子宗

汨沱灩流天

帝保仙宜逢

少正除皇天

帝辨宛通

角滌聚炫天

帝每承符公

記淀猶休天

帝綠方旋容

道治區玄天

帝樂慈昇

宙九

八

洞幽浚微天

帝魯希伯文

南方八天

錫華紫真天

帝梵澤雲

商廬葳文天

帝覺蒲宛婁

壯枝閱芒天

帝奢維遲仝

報遵陽彭天

帝茂唐教玄

火藏照沙天

帝極道嗣聽

黃靈剡湧天

帝福孳決生

谷羅應仙天

帝八冥杜防

覩佃幼明天

帝甘都求征

西方八天

鎮混洞香天

帝伯上杲卿

乾庇邈虛天

帝紫雲仲枚

烈命周隅天

帝緬聖慷呼

閭正雅樞天

帝益侃慈忸

濯幹紇化天

帝梵閔阿巴

浩回奉靈天

帝常招顯童

夜河司靈天

帝倩侍衢璫

太紫輪真天

帝閔俞至晨

北方八天

宙九

九

寶聚紫陽天

帝玄方九靈

暴映神變天

帝燎庠燕元

瀆望昇持天

帝雷智道開

太始珍輝天

帝璧明雲琢

朝衛尊景天

帝阿龍長

妙禁霄址天

帝握仙法王

典教曆紀天

帝億宇始飛

照罪解尸天

帝善勝祈門

三十二天三十二帝諸天隱諱諸天隱名天

中空洞自然靈章諸天隱韻移氣之音復命

之尊回生之神化屍大魔受形之靈九散十

合變化上清無量之奧深不可詳敷落神真

普度天人今日欣慶受度歷關諸天請滅三

惡斬絕尸根飛真受形名列太玄真王監舉

無拘天門東斗主筭西斗記名北斗落死南

斗上生中斗大魁化尸受形青帝召魂白帝
制魄赤帝還氣黑帝返血黃帝復命萬神持
節速徵太一起尸復生形具神備調理三關
神風入穴泉溢崑山玉童一呼六丁威南變
化恍惚登仙隔凡神境具前黃誌金顏賜兆

虎弁丹衣碧欄佩籙九霄仰視泥丸三五斗
網紫雲流煙尸化形鍊飛昇太淵坐鎮九戶
嘯攝百靈青天魔王斬絕遊尸赤天魔王金
印玉螭白天魔王元海素龜黑天魔王玄光
老師黃天魔王絳帳紫嬰風令火勅急急化

尸天尸皇君奏帝寶章地尸皇君殺鬼伏藏
人尸皇君截戮死殃尸作生形綠海霞漿八
萬四千華室曲房神靈畢至返一混芒骨有
青霜髓如碧琅為其化尸叱逐魔冤五帝大
魔萬神之宗飛行鼓從總領神兵麾幢鼓節
遊觀太空仗衛赫奕天錄敷功化尸受形嚴
攝止艷天機上相玉清神公恭受帝命普掃
不祥雷雹激戾龍虎蹶張天丁驅邪大帥橐
風黑雲萬里電火八衝敢有干試拒遏真鬼
金鉞前戮巨蟒吞精屠割鬼爽風火無停千

千截首萬萬剪形魔無干犯鬼無秋精天中
隱勅除籍勾名三官此艷明檢鬼營不得容
隱金馬驛呈普告無窮萬神咸聽三界五嶽
列言上清

湏混昊曆龍漢儀康做台恭劫號混之中上
立無色下開九淵風鼓波蕩三萬六千外堅
中虛金鎖流玄玄極上下無幽無冥無形無
影無極無窮若有大神虎齒龍脣六目八角
乘駕風雲手托混沌狀如卵形三寸五分圓
白如銀內有三界日月乾坤山海草木老父

幼孫生者受形滅者化屍往來輪轉氣常運
機尸化爲鬼鬼化爲人是道還返秋轉爲春
帝吐玉符化尸斷死受形生真真無比倫太
空浩氣北斗南辰合爲至無玄白不分溟滓
大梵遺廓無光赤明開圖運度自然元始安

宙九

十一

鎮敷落五篇赤書玉字八威龍文保制劫運
使天長存梵炁彌羅萬範開張元網流演三
十二天輪轉無色周迴十方旋斗歷箕回度
五常三十五分總炁上元八景冥合炁入玄
玄玄中太皇上帝高真泛景太霞彌詠洞章

金章明郁豁落擊摧尸鬼奔逃竟來魄歸流
響雲營虛寂聚炁律呂生神鳳舞鸞吟玉音
雲熾風回雨施帝一在離群真列位捧壁跨
璫龍虎俠傍靈風聚煙青真護肝紫虛鬱秀
三官瓊堂輔翼萬仙千百相連千和萬合自
然成真真中有神長生大君無英度籍白元
執經太一稟生司命主盟桃康好生合延育
形執符把籙保命固根上遊上清出入華房
八冥之內細微之中下鎮人身泥丸絳宮中
理五氣混合百神十轉回靈萬炁齊仙仙道

貴生無量度人上開八門飛天法輪罪福禁
戒宿命因緣普受開度死竟生身身得受生
上聞諸天諸天之上各有生門中有空洞謠
歌之章真王靈篇辭參高真

第一欲界飛空化尸之音

聚氣因精

變形因風

風通玄智

造化之宗

重閣九膜

實由道功

生而為人

巧笑雌雄

仙聖鬼神

往來其中

慾海漫漫

心波渺瀰

意逐則往

莫測所因

生氣等秋毫

結形如冰漸

輔弼分斗光

入兆雙目瞳

見量出太虛

至神一與同

偕道數受增

形死再童蒙

數盡呼吸止

委口但形容

七魄攜三彭

六道循無窮

真人自入妙

化尸白日冲

太一召百神

稽首重冥空

宙九

十二

洞妙得天氣

紫雲回九宮

七祖生九霄

保身如靈松

第二色界真王受形之章

染空為色

色化為空

色化無常

空即非空

未形名空

受形為色

形化色盡

命謝歸空

空亦無來

形本不住

形住色住

空非來去

以妄見空

妄緣名色

皆是大道

何可詮擇

寓空成形

杳冥中精

誰玄何受

陽動而生

空非陰陽

陰陽非空

認空為道

網中死禽

非道非空

象外飛龍

能知此者

受形無窮

受形化尸

不合不離

化尸無相

恍惚有象

此非業道

生化長養

是吾道玄

真王靈篇

告爾群氓

非人勿傳

第三無色界玉清王空洞歌曰

梵然无无

玉清鬱羅

下直神丘

環洄海波

七劫金山

萬天瓊柯

日月兩曜

浩劫經過

吹則陰生

呵乃陽至

香風紅雨

寶樓瑤址

元始流精

壘雪積酥

遇火成液

鑄彼玉京

巨山崇石

比兆泥丸

內蘊黃赤

天潢奔注

尾閭固塞

洶洶洪濤

湛有天德

比兆脊節

內有九真

白雲滔滔

神風八回

無英青巾

御氣成雷

玉女吹笙

五音勃興

七情啼笑

道有至精

無形無名

化尸與受形

仙籙書紫靈

歌此空洞歌

至理升無名

世不悟真道

轉輪更復多

去來何幾數

永沈慾海河

此三界之上飛空之中真王歌音音參洞章

誦之百遍名度南宮誦之千遍天真保迎萬

遍道備飛昇太空過度三界位登仙公有聞

靈音魔王敬形勅制地祇侍衛送迎拔出地

戶五苦八難七祖昇遷永離考官竟度朱陵
受鍊更生是謂無量普度無窮有祕上天文
諸天共所崇泄慢墮地獄禍及七祖翁
道言此二章並是諸天上帝及玉清真王隱
祕之音皆是化易委尸受度生形成道登真
換氣回生自然大梵之言非世上常辭言無
韻麗曲無華宛故謂玄奧難可尋詳上天所
寶祕於神霄玉清王府東華玉堂應上帝誥
命流傳若有至人齋金寶質心依舊格告盟
十天然後而付焉

道言夫遠道則失生離精則散氣炁寂神逝
所遺肉骨齒髮形狀塊息尸居以其不能留
神養炁儲精但同木石無知覺動起挺逕于
是則謂之尸至聖神人將還氣招神慧生於
尸歟爾而知既受故形若返故都百神來歸

由九

十四

遊宴金堂玉室之內若見世緣情欲所至心
意所感不知其由仰視三辰俯觀萬類欣然
自得得道高真化尸受形物理皆如是已凡
運度否終日星虧盈人有休否死亡疾傷凡
有此災同氣皆當齋心修齋六時行香十遍

轉經福德立降消諸不祥無量之文普度無窮
道言夫末學道淺或仙品未充運應滅度身
經太陰臨過之時同學至人爲其行香誦經
十過化尸受形如法冤神經上南宮隨其學
功計日而得更生轉輪不惑便得神仙
道言夫化尸受形不但祇於人身可同等於
天地迎生續氣致福請年與道無爽至若天
地運終星宿錯度日月失昏四時失度陰陽
不調國境有災疫毒流行兆民死傷師友命

過皆當修齋行香誦經夫齋戒誦經功德甚
重上消天災保鎮帝土下攘毒害以度兆民
生死受賴其福難勝故曰無量普度天人
道言凡有是經能為天地帝主兆民行是功
德有災之日發心修齋燒香誦經十過蕩滅

密九

十五

尸穢身獲飛仙皆諸天記名萬神侍衛右別
至人剋得為聖君金闕之臣諸天記人功過
毫分無失天中真王亦保舉爾身得道者乃
當洞明至言也

天

諸天中大梵隱語無量音

道君撰

元始靈書化尸受形玉篇

當即明東方八天

潮瑜激瑛 珍予交懷 冠祕攸尚

晞煥堯經 緣原珞珂 宛翠肆陳

撲乾邦都 異嶧方岷 蔽婁祠款

鬱丹儀迎 便綠艷佑 祈斗逸森

明孺芽合 淋津濤淋 馥廓阿奕

司茨奏雷

南方八天

烘炘烈光 炯霞爛宿 珥瑞韓司

機詮陰煜

力縉維南

剛勅燿逐

魚柄連題

萬嶽官笛

隸正籍契

眷龍慈職

勉湯旬沙

鐸神延繫

倫極指徐

邀寬返策

化受消煙

宅輅展澤

西方八天

翼衛星棟

鍊化莫綿

軫常遄羅

蹟運巴延

電治肇零

晶劔离田

岬疰乞池

岬古登連

忽息回火

帝符靈玄

承咸拱風

寘牢瀆淵

費陽宣洽

動龍朗端

混鎖溢負

道命空觀

北方八天

驕舒玄佳

婁突灌生

交精忻蛇

野鑿泛流

蜃淮湧嶽

流洄愬庚

雷九

十六

靈帶併火

識覺轉周

太虛玄漠

素台冰潭

執交機印

造育仙謀

循軌罔商

日馳妙虛

尸毛山斬

耳魁東居

長筆

道言

道言此諸天中大梵隱語無量之音舊文靈

祕琅函真王勅太玄司命上清靈虛真人以
丹筆書之佩服化尸受生疾癘殃禍應當滅
解如風揚塵世間異寃尸怪一切不祥朱書
火化服之或禁勅廟社立應天書寶圖字皆
廣長一文天真皇人昔書其文以為正音有
知其音能齋而誦之者諸天皆遣侍真靈官
下察其身書其功勤上奏諸天萬神朝禮地
祇侍門大功真王保舉洞妙德廣剋得遊行
三界昇入金門此音無所不辟無所不禳無
所不度無所不成天真自然之音也故誦之

致飛天下觀上帝遙唱萬神朝禮三界侍軒
群祇束首鬼精自亡琳琅振響十方肅清河
海靜默山嶽吞煙萬靈振伏招集群仙天無
氛穢地無祲塵冥慧洞清大量玄玄也
元始無量度人上品妙經卷之五十九

宙九

十七

共



